

Daegfuz nienzgeij gaenq mbouj oi q lo, youq ndawmbanj dou lumj de yienghneix gaenq baenzgya miz lwg-nyez lo, vihneix daxmeh de miz di simgaenj, lau de aeu mbouj ndaej baz, couh dak gizgyawj geij yahmoiz bang Daegfuz bae cam le geij baez yah. Hoeng Daegfuz cungj dwg genj bae genj dauq, mbouj dwg yiemz naeuz dah neix biz lai, couhdwg yiemz naeuz dah haenx daemq di, yawj mbouj hwnjda.

Daxmeh de hozndat raixcaix, naeuz: “Duzfangz byaiz mwngz, mwngz naemj mwngz lij oi q lai ha, mbouj rox ciuq gingq yawjyawj swheij baez he, naj nyaeuq liux mbouj caengz, lij yiemz dah neix biz dah de daemq dem, gou lau mwngz ciuhneix yaek dang vunzgyonz lo.”

Youq ranz cungj deng bohmei gyaep heuh aeuyah, Daegfuz roxnyinh fanzsim dangqmaz, hixnaengz buet bae Guengdoeng dajgoeng lo.

Bi daihngaih ndwencieng, Daegfuz couh daiq dahsau ndangdaej liengjreux ndeu maranz lo, coh heuh-guh Cing’vah.

Ndawmbanj gyoengq bouxlaux raen le cungj naeuz: “Boux guhnaz aeu miz yienghsiengq bouxguhnaz cij baenz, sou yawj diuz hwet de raez lumj hwet ngwzdangh nei, daengzcog baenzlawz guhnaz cae reih ha?”

Meh Daegfuz naeuz: “Yo ho! Aeu yah mbouj rox bae ra dah ndang maengh di he daeuj? Mwngz yawj de ndang baenzneix reux, rumz baez baet cungj yaek deng laemx bae, daengzcog miz mbouj miz lwg cungj nanz gangj ne!” Gangj le, ngeng gyaey yawj gvaq henz bae.

Daegfuz naeuz: “Gou couh haengj aeu dah hwet raez lumj hwet ngwzdangh neix daeuj guh yah, sou yaek baenzlawz?”

Daj seizhaenx hwnj, gyoengq vunz ndawmbanj youq baihlaeng cungj heuh dahsau haenx guh “Hwet Ngwzdangh”.

“Hwet Ngwzdangh” ngamq haq daeuj mbouj geijlai nanz couh bungz daengz seiz sou haexnaz lo. Seizhah, ndit ndat ndaej gwnznamh lumj dawz feiz yaek byaeu vunz nei, de daenj mauhdangindit caeuq haizgiusang bae gvej haex.

Bohmei Daegfuz song gvanbaz youq baihlaeng mbwnjbak naj nyaeuq,

Gou fwt saemxsax, lwgdinmeh dik deng duenh ragfaex loh youq gwnznamh, ndang baez coemj coh naj, cij roxnyinh fajnaj cungj laep, aen aek baez oet, gou deng laemx lo, sikhaek dangqnaj ndaundeij luenh mig, diemheiq mbouj ndaej, hoeng gou vanzlij riengjret bin hwnjdaej couh buet……

Ndawmbanj miz aen hagdangz he, heuhguh “Hozdaeuz Yozdangz”, gizdieg hagdangz yienzlaiz daengj miz aen miuhvwnzcanh, yienznaeuz seizneix gaenq cuengq sujyay, ndaw hagdangz mbouj miz saek boux vunz lawz, mboujgvaq yaucangj gig yiedsim fucwz, lij ciuqgaeuq ngoenznaengz daengz hagdangz. Bohgoux gou caeuq de gig ndei, ndigah bohgoux gou ciengzseiz daeuj hagdangz caeuq de dwkgeiz, cimz caz, ganggijo. Gou



□ Vangz Gijveiz / 黄启维

sing daemq damzbyoedbyoed naeuz: “Caen dwg mbouj miz lwgda yawj lo, yienghneix gyawz lumj bouxguhnaz ha?”

Aen mauhdangindit haenx yeb hwnj yeb roengz, diuz hwet raez Cing’vah lumj hwet ngwzdangh nei bi bae bi dauq, ngwtnget ngwtnget, fagliemz ndaw fwngz de youq laj goek gohaeux dwk fet dwk fet, ndonj bae ndonj ma, lumjnaeuz diuqfoux nei. Byawz cungj siengj mbouj daengz, “Hwet Ngwzdangh” gingqyienz gvej haeux gvej ndaej baenzneix riengjret, baij youq boux daih’it. Daegfuz youq baihlaeng diemcaw fofo, hanh dumz hanh lae baenzlawz hix gyaep mbouj hwnj Cing’vah.

Bohmei Daegfuz youq baihlaeng yawj ndaej ngawh bae, gag ngaek-gyaey dedded.

Youq gwnz dieg fad haex, “Hwet Ngwzdangh” engq dwg mbouj saw byawz saekdi. Daeh haexumj, aeu din yunghrengz caij dajguzgih, raz fiengz, baeuh haex daengj, yienghyiengh guh ndaej haey fwngz haey din caez. Daehbaengz haexgok he rimmwtmwt, de gingqyienz ndaej mbat ndeu gwed hwnj mbaq bae, mbouj rox seizlawz, gouh haizgiusang de gaenq vuenh baenz haizbaengz giuj bingz lo.

Meh Daegfuz bak aj, lwgda de haep lumj diuzmae nei, naeuz: “Bohfuz ha, gaxgonq dwg mbouj dwg raeuz lwgda fangz la?”

Gvaqlaeng geij bi le, “Hwet Ngwzdangh” seng lwg lo, mbwk miz sai miz, bohmei Daegfuz song bouxlaux ngoenznaengz daiq song laeq

lan youq ndawmbanj gvaq ranz neix ranz haenx bae youz, ndawsim angqfwngfwng. Cing’vah hix nyaengq ndaw nyaengq rog, hongranz hongnaz cungj guh liux, yiengh he cungj mbouj doeklaeng gvaq vunz. Gyoengq vunz ndawmbanj cungj daengj fwngzmeh hwnjdaej naeuz: “Ai, caen dwg siengj mbouj daengz ha, yawj vunz mbouj ndaej cij yawj yiengh ndwi bw!”

Mbouj rox daij seizlawz hwnj, aen hwet ngwzdangh Cing’vah gaenq mbouj raen lo, bihaenx aen ndang-daej de baenzlai reux, vunz baenzlai saunde, seizneix gaenq bienq maenghmwd lo, ndaek hwet de hung lumj ndaek doengjraemx nei.

Yawjyawj song laeq lwg dwg-gyaey swheij, ndawsim Daegfuz lumj gwn dangzrwi nei diemzsubsub, baenzngoenz najrongh riunyumnyum, hoeng caiq yawj ndaek hwet maenghmwd Cing’vah, de lumjnaeuz riu

mbouj ok lo.

Geij bi neix daeuj, Daegfuz youq baihrog guh gunghcwngz, menhmenh fatcaiz lo, Cing’vah lij dwg lumj yienzlaiz nei youq ranz guh hongreih hongnaz, dawz lwgnyez, ciuqgoq bohmei Daegfuz.

Daegfuz caeuq Cing’vah gangjriu naeuz: “Vah ha, mwngz yawj ndaek hwet mwngz seizneix lumj ndaek doengjraemx nei, dwg mbouj dwg hawj gou daij ndawsingz daiq dah hwet ngwzdangh he maranz daeuj bang mwngz guhhong ni?”

“Ndei ha, yienghneix baezlaeng gou couh ndaej soeng ndang lo.” Cing’vah riunyumnyum naeuz.

Daxmeh Daegfuz youq henz dingqny le, nyignaj hwnjdaej hwk naeuz: “Lwgfangzraq mwngz baenzbag ha? Gaej gangj bamz gangj huk, mwngz ragraix gou ndaek ndang geq neix couh mbouj nyinh mwngz guh lwg!”

Gvaqlaeng, daxboh Daegfuz deng mauhfung ninz youq gwnzcong mbouj ndaej hwnq, Daegfuz youq baihrog guhhong nyaengq lai gig noix ndaej maranz. Cing’vah guh hongranz hongnaz le, vanzlij nyaengq bang daxmeh Daegfuz ciuqgoq daxboh Daegfuz dem.

Miz ngoenz he, daxmeh Daegfuz caeuq de veihsin sibinz, Daegfuz gag dwk mbat fak haenq ndeu, naeuz: “Gou mbouj dwg vunz, dwg duznayen.”

Ndaw sibinz baihde, Cing’vah cingq gaeuz aen ndang bizbwd de, dwgrengz daij gwnzcong umj daxboh Daegfuz hwnqdaej, menhmenh cuengq roengz ndaw daengq miz loek bae.



Gveigangj Si Cinzdangz Gih va’ngaeux hai ndaej hoengzmaeq.

Vangz Yinz ingj

•Sawcuenhraz Lwgnyez•

Gij Golwngnyez Henz Dahhoengz

红 水 谣

□ Lanz Haijyangz Moz Beibei / 蓝海洋 莫蓓蓓

gaemz heiq ndeu roemx haey bakdoulaux hagdangz, cigsoh bongh coh bangunhsiz yaucangj youq baihlaeng haenx, daiq gangj ndaej deng dahraix, bohgoux gou cingq caeuq yaucangj dwk geizciengh ne!

“Bohgoux! Vaiq bae, vaiq bae——” Gou baegfofo heuh.

Songde cungj deng gou hwk lo,

fwngzgvaz bohgoux lij dawz aen lwggeiz ndeu, baenq naj gvaqdaej cam gou:

“Maz saeh baenzneix foengx? Hix mbouj rox hawj yaucangj hengz-laex?”

Gou rubrab baez gungj hwet coh yaucangjlaux, gip ndaej mbouj ngeix couh naeuz: “Ahvej deng ngwzdoeg

haeb lo——”

“Ha!” Bohgoux caeuq yaucangj doeksaet ndaej doengzseiz hemq le sing ndeu.

“Gwn le gij ywdoj Aulungzgeiz, seizneix dungx in hwnjdaej lo.”

“Dauqdaej fatseng maz saeh?” Yaucangj cam.

(caengz sat)